

# MI FAMIA

## Lès 4

E siñansa di Beibel tokante amestat i famia no ta popular awendia; kasi el a pasa pa olvido. Ma si bo ta sigui instrukshon di Skritura, dia lo yega ku bo lo gradisí Dios, pasobra siguiendo Su plan bo ta evitá hopi problema!

### BIDA SOLTERO

Dios a krea kada persona distinto. E ta duna sierto abilidad na un i diferente don na un otro. Lesa 1 Korintionan 6:18 i 7:6-9 anto kontestá e siguiente preguntanan:

1. For di kiko bo mester hui? \_\_\_\_\_
2. Tur hende tin mésun abilidad pa keda soltero? \_\_\_ Si \_\_\_ Nò
3. Relashon seksual ta pèrmití pa hende soltero? \_\_\_ Si \_\_\_ Nò
4. Segun Skritura, tur relashon seksual fuera di matrimonio ta piká. Bibamentu anto ta piká? \_\_\_ Si \_\_\_ Nò

### ORIGEN DI MATRIMONIO

Lesa loke Dios a bisa ora El a krea matrimonio den Génesis 2:24. E teksto aki ta mostra presis kiko ta intenshon di nos Kreador.

1. Ta Dios Su plan pa matrimonio ta monógamo—pa kasa ku ún persona i keda fiel n' é bida largu. Dios no ta pèrmití un di tres persona den matrimonio...kòrtamentu di orea ku un amante òf baisait

Lesa Hebreonan 13:4. Promé parti di e teksto aki ta papia tokante relashon seksual den matrimonio, i e último parti ta trata ku sèks fuera di matrimonio. Kiko ta Dios Su pèrspektiva pa ku e relashon matrimonial?

---

Kiko Dios lo hasi ku fornikadornan i adúlteronan?

---

2. Génesis 2:24 tambe ta para riba ku matrimonio mester ta heteroseksual. Den otro palabra, Dios ke pa matrimonio konsistí di dos persona di sekso opuesto. Dios a krea Adam i Eva, no Adam i Ivan òf Ada i Eva. Tur relashon homoseksual òf lèsbian ta piká. Kiko ta Dios Su perspektiva pa ku aktonan homoseksual segun Levítiko 18:22?

## **RESPONSABILIDAT DI ESPOSA**

Kiko e esposa mester hasi segun Efesionan 5:22? \_\_\_\_\_  
 Ta un echu di bida ku tur hende mester someté na un òf otro persona. Empleado tin ku someté na doño di trabou, e deportista mester someté na su entrenadó i rèfri, e suidadero ta someté na gobernantenan, polis, inspektor di belasting. Esei no ke men ku un persona ta superior òf inferior ku un otro. Segun 1 Korintionan 11:3, ken a someté na Dios Tata? \_\_\_\_\_  
 Esei no ke men ku Kristo tin ménos balor ku Dios Tata. Igualmente hende muhé no ta inferior ku hende hòMBER. Den hopi aspekto hende muhé ta superior! Ma simpelmente mester tin òrdu den kada relashon.  
 Esaki no ta duna e esposo outoridat pa dikta. Efesionan 5:21ta laga sa ku kada persona mester someté \_\_\_\_\_.  
 Pues, e sometémentu mester ta mutual. Maske esposo ta kabes di kas, tin momentu p'è tambe someté na su esposa.  
 Na ken e instrukshon di Efesionan 5:22 ta duná? \_\_\_\_\_  
 Beibel no ta bisa: “Esposo, sòru ku bo esposa ta someté!” En kontraste e ta instruí e esposa pa someté boluntariamente.

## **RESPONSABILIDAT DI ESPOSO**

Kiko e esposo mester hasi segun Efesionan 5:25? \_\_\_\_\_  
 Hopi hende hòMBER ke sa ku nan por kumpli fásilmente ku e instrukshon aki. Ma nan no ta realisá ku Dios ta eksigí muchu mas ku amor romántiko. E palabra griegu AGAPE ta referí na un klase di amor ku Dios so por produsí. E ta un amor ku ta stima esun ku humanamente ta impusibel pa stima! E ta un amor ku ta

sakrifiká pa esun ku e ta stima! E esposo mester ta despuesto pa sakrifiká su tempu, sèn, energia, plannan, atenshon, i asta su bida mes pa su eposa. Ningun esposo ta stima asina di mes.

Efesionan 5:28 ta bisa ku “*esposonan tambe \_\_\_\_\_ manera nan mes kurpa.*” Pues, stimashon asina ta e esposo su deber. Segun Efesionan 5:25, ken su stimashon ta ehèmpel pa esposo sigui? \_\_\_\_\_ E esposo no ta stima su kasá manera debe ser si e no ta stim’ é méskos ku Kristo.

## DIVORSIO

Ta Dios Su plan pa matrimonio ta bida largu.

1. Kiko ta Dios Su opinion pa ku divoriso segun Malakias 2:16?

\_\_\_\_\_

2. Segun Mateo 19:8, dikon Moises a pèmití divoriso?

\_\_\_\_\_

Matrimonio no ta pa hende ku ta kla pa buta bou ora tempu difísil ta bin.

## RESPONSABILIDAT DI YUNAN

Les a Efesionan 6:1-3 anto kontestá e siguiente preguntanan:

1. Kiko yunan mester hasi segun 6:1? \_\_\_\_\_

E palabra griego ku ta usá aki ta referí na un yu di kualke edat. Pues, kualke yu ku ta biba bou dak di su mayornan mester obedesé nan. Naturalmente ora mayornan ta mira ku e yu a madurá basta ku e ta komport’ é responsabel, nan lo duna mas libertat.

2. Pakiko yunan mester obedesé segun 6:1? \_\_\_\_\_

\_\_\_\_\_

E palabra aki ta komuniká ku obedensia ta bon i tambe ku lo tin kastigu pa yunan ku desobedesé.

3. Segun 6:2, kiko ta di dos responsabilidat di yunan? \_\_\_\_\_  
Yunan por onra nan mayornan dor di obedesé nan, respetá, stima, biba di tal forma ku lo hasi e mayornan kontentu, duna yudansa finansiero si nan tin mester, èts.
4. Ki dos benefisio tin pa esun ku obedesé i onra su mayornan?
- a. \_\_\_\_\_
- b. \_\_\_\_\_
- Ta bal e la pensa pa hasi loke Dios ta bisa.

## **RESPONSABILIDAT DI MAYORNAN**

1. Kiko Efesionan 6:4 ta bisa ku mayornan no mester hasi?

\_\_\_\_\_

Mayornan por hasi esei dor di eksigí muchu di nan yu, dor di favoritismo, dor di krítika e yu, dor di abuso verbal, dor di disiplina (suta) na un forma inkorekto, èts.

2. Kiko e teksto aki ta bisa ku mayornan si mester hasi?

\_\_\_\_\_

Mayornan mester hasi máksimo esfuerso pa siña e yunan pa aseptá Kristo komo nan Salvador personal i tambe instruíe pa distingí entre bon i malu.

### **TAREA PA KAS**

1. Siña Efesionan 5:21 fo'i kabes.
2. Konta un persona ku bo a aseptá Kristo komo bo Salvador personal.
3. Sigui fiel ku bo tempu ku Dios tur dia.
4. Lesa e siguiente lès i yena e kontestanan.